

第四四冊

博物彙編

藝術典

醫部

三〇一六三
(卷)

古今圖書集成

中華書局影印

Z 225

1

一名瀉肺湯治心熱實欲吐不出煩悶喘急頭痛
石膏一斤 淡竹葉 香豉各一升 小麥
地骨皮各五兩 茯苓三兩 梔子仁三七枚

右七味咬咀先以水一斗五升煮小麥竹葉取八
升澄清次下諸藥煮取二升去滓分三服

又方

治腹脹善噎食則欲嘔泄瀉下口乾四肢重好
怒不欲聞人聲忘誤喉痹

黃連一兩 禹餘糧二兩 白木 乾薑各三兩

大麻子五兩 桑白皮八兩 大棗二十枚

右七味咬咀以水一斗二升煮取三升分四服

半夏湯

一名小茯苓湯治逆氣心中煩悶氣滿嘔吐氣上

半夏一升 生薑一斤 茯苓 桂心各五兩

右四味咬咀以水八升煮取二升半分三服若少

氣加甘草二兩

前胡湯

治寒熱嘔逆少氣心下堅聚彭亨滿不得食寒熱

消渴補不足

前胡 生薑各三兩 甘草 枳實 大黃別浸各

二兩 芍藥 茯苓 麥門冬 當歸 半夏

滑石 石膏 苦蕒根 黃芩 附子 人參

右十六味咬咀以水一斗二升煮取六升分四服

又方

治嘔吐四肢癱冷短氣腹熱三焦不調

前胡 芎藭 甘草 當歸 石膏 人參

桂心 橘皮各二兩 芍藥三兩 半夏四兩

生薑五兩 大棗三十枚
右十二味咬咀以水一斗二升下黃芩三兩合煮
取三升分三服一方不用黃芩

小麥湯

治嘔吐不止

小麥一升 人參 厚朴各四兩 甘草一兩

青竹茹二兩半 生薑汁三合 茯苓三兩

右七味咬咀以水八升煮取三升去滓分三服

猪苓散

治嘔而腸上寒

猪苓 茯苓 白朮各三兩

右三味治下篩以飲服方寸匕日三服者多飲水

犀角人參飲子

治嘔逆胃氣虛邪風熱不下食並皆治之

犀角 人參各二兩 薤白五兩 粟米一合

右四味咬咀以水四升半煮取一升七合下米煮

令米熟分四服去相七里久進一服

又方

治春夏時行傷寒寒傷於胃胃冷變乾

橘皮 桂心 葛根各二兩 白茅根一升

右四味咬咀以水六升煮取三升分三服服盡更

合有熱去桂心

又方

治嘔噦

人參一兩 胡麻仁八合 橘皮去白一兩

枇杷葉八兩

右四味咬咀以水一斗煮枇杷葉取五升下藥煮

取三升內麻仁稍飲之

又方

治氣厥嘔噦不得息

豉一升 半夏八兩 生薑二兩 人參 前胡

桂心 甘草各一兩

右七味咬咀以水九升煮取三升分三服

又方

治前證

大棗十五枚 附子一枚 橘皮二兩 豉一升

生薑 甘草各一兩

右六味咬咀以水九升煎取二升分三服日三

橘皮湯

治乾嘔噦若手足厥逆者

橘皮四兩 生薑半斤

右二味咬咀以水七升煮取三升分三服不止更

合服之

又方

治傷寒後噦乾嘔不下食

生薑根 青竹茹各一升 粳米三合 生薑二兩

三劑

又方

治前證

通草 橘皮各二兩 粳米三合 生薑根一升

右四味咬咀以水四升煮取一升半分三服

露宿圓

治遇冷氣心下結緊嘔逆寒食不消又主傷寒晨

夜觸寒冷惡氣

附子 烏頭 桂心 礬石各四兩

右四味爲末蜜丸如胡豆大以酒服三九日二加至十九藥耐寒冷忌熱食近火宜冷飲食

半夏湯

治肺勞虛寒心腹冷氣逆遊氣胃脅氣滿從胃達背痛噎氣往來嘔逆飲食即吐虛之不足

半夏一升 生薑一斤 桂心四兩 甘草

厚朴各二兩 人參 橘皮 麥冬各三兩

右八味咬咀以水一斗煮取四升分四服腹痛加當歸二兩

建中湯

治五勞七傷小腹痛急痛勝脫虛滿手足逆冷食飲苦吐酸痰吐泄少氣目眩耳聾口焦小便自利

膠飴半斤 黃芪 乾薑 當歸各三兩 人參

半夏 橘皮 芍藥 甘草各二兩 附子一兩

大棗十五枚

右十一味咬咀以水一斗煮取三升半湯成下膠飴烱沸分四服深師有桂心六兩生薑一斤無橘

皮乾薑

厚朴湯

治上焦閉塞乾嘔嘔而不出熱少冷多好吐白沫清涎吞酸

厚朴 茯苓 芎藭 白朮 元參各四兩

桔梗 附子 人參 橘皮各三兩 生薑八兩

吳茱萸八合

右十一味咬咀以水二斗煮取五升分爲五服

止嘔人參湯

治下焦熱氣逆不續嘔吐不禁名曰走哺

人參 葶藶 黃芩 知母 茯苓各三兩

生薑根 梔子仁 白朮炒 橘皮各四兩

石膏八兩

右十味咬咀以水九升煮取三升去滓分三服

茱萸湯

治嘔而胃滿者

吳黃一升 人參三兩 生薑六兩 大棗十二枚

右四味以水五升煮取三升溫服七合日三服

四逆湯

治嘔而脈弱小便復利身有微熱見厥者難治

附子一枚生用 乾薑一兩五錢 甘草一兩炙

右三味以水三升煮取一升二合去滓分溫再服

強人可大附子一枚乾薑三兩

附子粳米湯

治腹中寒氣雷鳴切痛胃脅逆滿嘔吐

附子一枚炮 半夏 粳米各半升 甘草一兩

大棗十枚

右五味以水八升煮米熟湯成去滓溫服一升日三服

五苓散

治瘦人臍下有悸吐涎沫而顛眩

澤瀉一兩一分 猪苓 茯苓 白朮各三分

桂二分去皮

右五味爲末白飲服方寸匕日三服多飲暖水汗

出愈

桂苓五味甘草去桂加乾薑細辛半夏湯

治支飲冒而嘔者

茯苓四兩 甘草 細辛 乾薑各二兩 五味

半夏各半升

右六味以水八升煮取三升去滓溫服半升日三

半夏瀉心湯

治嘔而腸鳴心下痞者

半夏半升洗 黃連一兩 黃芩 乾薑 人參

甘草炙各三兩 大棗十二枚

右七味以水一斗煮取六升去滓再煮取三升溫

服一升日三服

黃芩加半夏生薑湯

治乾嘔而利者

黃芩 生薑各三兩 甘草二兩炙 芍藥一兩

半夏半升 大棗十二枚

右六味以水一斗煮取三升去滓溫服一升日再

夜一服

小柴胡湯

治嘔而發熱者

柴胡半斤 半夏半升 黃芩 人參 生薑

甘草各三兩 大棗十二枚

右七味以水一斗二升煮取六升去滓再煎取三升溫服一升日三服

大半夏湯

治胃反嘔吐者

半夏二升洗 人參三兩 白蜜一升

右三味以水一斗二升和蜜揚之二百四十遍煮

藥取二升半溫服一升餘分再服

大黃甘草湯

治食已即吐者

大黃四兩 甘草一兩

右二味以水三升煮取一升分溫再服

茯苓澤瀉湯

治胃反吐而渴欲飲水者

茯苓半斤 白朮三兩 澤瀉 生薑各四兩

甘草 桂枝各二兩

右六味以水一斗煮取三升內澤瀉再煮取二升

半溫服八合日三服

半夏乾薑散

治乾嘔吐逆吐涎沫

半夏 乾薑各等分

右二味杵爲散取方寸匕漿水一升半煎取七合

頓服之

橘皮竹茹湯

治噦逆者

橘皮二斤 生薑半斤 竹茹二升 甘草五兩

大棗三十枚 人參一兩

右六味以水一斗煮取三升溫服一升日三服

甘草粉蜜湯

治吐衄

甘草二兩 粉一兩 蜜四兩

右三味以水三升先煮甘草取二升去滓內粉蜜

攪令和煎如薄粥溫服一升差即止

烏梅圓

治蛇厥吐衄

烏梅三百個 細辛 附子炮 桂枝 人參

黃蘗各六兩 乾薑十兩 黃連一斤 當歸

川椒去汗各四兩

右十味異搗篩合治之以苦酒浸烏梅一宿去核

蒸之五升米作飯熟搗成泥和藥令相得內臼中

與蜜杵二千下丸如梧子大先食飲服十九日三

服稍加至二十九禁生冷滑臭等物

養胃丹中藏

治脾胃不和全不思食中脘停寒嘔逆惡心臟寒

泄利腹痛腸鳴常服溫中養胃散即思食

丁香一兩半 人參三分 甘草炙 白豆蔻仁

半夏麴各半兩 乾薑三兩炮 乾生薑

右同爲細末煉蜜爲丸每兩作十九每服一丸溫

湯化下空心食前服之或細嚼湯下亦可

丁香茱萸湯下胃

治胃虛嘔噦吐逆膈咽不通

乾生薑 黃蘗各二分 丁香 炙甘草 柴胡

橘皮 半夏各五分 升麻七分 吳茱萸

草豆蔻 黃芪 人參各一錢 蒼朮二錢

當歸身一錢五分

右件劉如麻豆大每服半兩水二盞煎至一盞去

相稍熱服食前忌冷物

白朮湯

一名茯苓半夏湯治胃氣虛弱身重有痰惡心欲

吐是風邪羈絆於脾胃之間當先實其脾胃

炒神麴二錢 陳皮 天麻各三錢 白朮

白茯苓 麥蘗麴炒黃色 半夏各五錢

右咬咀每服五錢水二盞入生薑五片同煎至一

盞去粗稍熱服之

補肝湯

一名柴胡半夏湯治素有風證不敢見風眼澀頭

痛眼黑胃中有痰惡心兀兀欲吐遇風便覺皮肉

緊手足難舉重物如居暖室少出微汗其證乃減

再或遇風即復

柴胡 升麻 藥本各五分 白茯苓七分

炒神麴 蒼朮各一錢 半夏二錢 生薑十片

右爲粗末都作一服水一大盞煎至半盞去粗稍

熱服

皂角化痰丸

治勞風心脾壅滯痰涎盛多喉中不利涕唾稠黏

噤塞吐逆不思飲食或時昏憤

皂角木白皮酥炙 白附子炮 半夏湯洗七次

南星炮 白礬枯 赤茯苓去皮 人參各一兩

枳殼炒二兩

右爲細末生薑汁麴糊爲丸如梧子大每服三

十九溫水送下食後

上二黃丸

治傷熱食痞悶兀兀欲吐煩亂不安

黃芩二兩 黃連酒浸一兩 甘草二錢 升麻

柴胡各三錢

右爲極細末湯浸蒸餅爲丸如棗豆大每服五七

十九白湯送下量所傷服之一方加枳實熱炒去

穢五錢

丁香半夏丸 清生方

治宿寒在胃嘔吐吞酸

丁香不見火一兩 乾薑炮 半夏湯泡七次

橘紅各二兩 白朮一兩半

右爲細末生薑自然汁打糊爲丸如梧桐子大每服五十九淡薑湯送下食前

大藿香散

治憂愁思慮悲恐驚七情傷感氣鬱於中變成嘔吐或作寒熱眩運痞滿不進飲食

藿香葉 半夏麴 白朮 木香不見火各一兩

白茯苓 人參 桔梗剉炒 枇杷葉拭去毛

官桂不見火 甘草炙各半兩

右爲細末每服三錢水一大盞生薑五片棗子一枚煎至七分去滓溫服不拘時候

旋覆花湯

治中脘伏痰吐逆眩運

旋覆花去梗 半夏湯泡七次 陳皮去白

乾薑炮各一兩 甘草炙 檳榔 白朮土炒

人參各半兩

右咬咀每服四錢水一盞半生薑七片煎至七分去滓溫服不拘時候

竹茹湯

治胃受邪熱心煩喜冷嘔吐不止

葛根三兩 半夏湯泡七次二兩 甘草炙一兩

右咬咀每服五錢水二盞入竹茹漿許大薑五片煎至七分去滓取清汁微冷細服不拘時候

玉浮丸

治男子婦人脾胃虛弱一切嘔吐及久新翻胃不問得病之由皆可服之真良方也

人參 白朮 薑炒去絲 白朮 乾薑炮 丁香

肉豆蔻麴裏煨 橘紅 白豆蔻仁 麥蘖炒

附子炮去皮臍 木香不見火 南星炮 檳榔

半夏湯泡七次 甘草炙

右等分爲細末每服二錢入生麴一錢和勻生薑自然汁搜和丸如梧桐子大入百沸湯煮令浮巫取出每用淡薑湯吞下不拘時候病甚者不過三服惡熱藥者去附子大便秘者去肉豆蔻

胃丹

治真陽衰虛心火怯弱不養脾土沖和失布中州虛寒飲食不進胃脘痞塞或不食而脹滿或已食而不消痰涎惡心翻胃吐食臍氣虛寒米穀不化心腹絞痛泄利不止一切脾胃諸疾

胃丹

硃砂大塊不夾石者五十兩 人參 縮砂仁

肉豆蔻麴裏煨 紅豆 華澄茄 白豆蔻仁

高良薑剉炒 附子炮去皮臍 藿香葉 白朮

厚朴薑汁炒 丁香不見火 五味子 乾薑炮

胡椒 益智仁 橘紅 麥冬 草果仁各四兩

右將人參等二十味各如法修製剉如豆大以銀鍋一口用白沙蜜五斤將藥一半同蜜拌勻入銀

鍋內以夾生絹袋盛貯硃砂懸胎入銀鍋內以桑

柴火重湯煮四日夜換蜜五斤入煎藥一半和

勻再煮三日三夜取砂淘淨焙乾入乳鉢用玉鍵

研直候十分細米粽爲丸如菜豆大陰乾每服十粒加至十五粒空心食前用人參湯送下藥湯亦

得嘔吐用淡薑湯送下忌食豬羊血

大半夏湯

治嘔吐

半夏 陳皮 茯苓各二錢半

右咬咀水二盞薑二錢半煎八分食後服

沉香降氣湯

治三焦痞滿滯氣不宣心腹滿痛嘔吐痰沫五噎

五噎

沉香 木香 丁香 藿香葉 人參 甘草

白朮各一兩 肉豆蔻 桂花 檳榔 陳皮

砂仁 川薑炮 枳實炒 白檀各二兩 青皮

白茯苓 白豆蔻

右每服三錢水煎入鹽少許

鹽煎散

治男子婦人一切冷氣攻衝胃脘刺痛不已及脾

胃虛冷嘔吐泄瀉膀胱小腸氣婦人血虛痛

羌活 砂仁 甘草炙 茯苓 草果 川芎

肉豆蔻煨 茴香 華澄茄 麥芽炒 檳榔

良薑油炒 枳殼炒 厚朴 陳皮 蒼朮各等分

右用水煎加鹽少許

分氣紫蘇飲

治脾胃不和氣逆喘促心下脹滿嘔逆不食

五味子 桑白皮 茯苓 甘草炙 草果

腹皮 陳皮 桔梗各一斤 紫蘇十五兩

右剉每服四錢水煎薑三片入鹽少許

勻氣散

治氣滯不勻胃脘虛痞宿食不消心腹刺痛脹滿

噎塞嘔吐惡心調脾胃進飲食

生薑 沉香 丁香 檀香 木香各一兩

藿香 甘草炙各四兩 砂仁 白果仁各二兩

右爲末每服二錢沸湯調下或水煎服

快氣散

治一切氣心腹脹痛胃膈噎塞噫氣吞酸胃中痰

逆嘔吐及宿酒不解

砂仁 甘草炙 香附 生薑

右爲末鹽湯調下

化氣湯

治一切氣逆胃膈噎塞心脾卒痛嘔吐酸水丈夫

小腸氣婦人血氣

沉香 胡椒各一兩 縮砂仁去殼 桂心

木香各二兩 陳皮炒 乾薑炮 義木炮

青皮去穰炒 茴香炒 甘草 丁香皮各四兩

右爲末每服二錢薑蘇鹽湯調下婦人淡酢湯下

參苓白朮散

治脾胃虛弱飲食不進或致嘔吐泄瀉及大病後

調助脾胃

山藥 白茯苓 人參 白朮各三斤 蓮子

砂仁 白扁豆炒 桔梗 薏苡炒黃各一斤

甘草炙三斤

右爲末每服二錢煎薑湯調下

丁香煮散

治脾胃虛冷嘔吐不食

丁香 乾薑炮 川烏炮去膽 甘草炙各半錢

紅豆去皮 貝薑炒 青皮 胡椒各一錢

陳皮二錢 益智去皮三錢

右作一服水二鍾生薑三片鹽一捻煎至一鍾不

拘時服

藿香半夏散

治胃虛中寒停痰留飲嘔吐噦逆

藿香二錢 半夏湯泡七次炒黃色三錢半

丁香皮一錢半

右作一服水二鍾生薑七片煎至一鍾食前服

丁附治中湯

治胃寒停痰嘔吐不已

丁香 青皮炒 陳皮 白朮煨 人參各二錢

附子炮 甘草炙各一錢 乾薑炮半錢

右作一服水二鍾生薑五片煎至一鍾空心服

沉香煎丸

治嘔吐除中滿痞氣痰逆惡心臍臍不調

沉香 硫黃別研水飛 檳榔麝裹煨 胡椒

沒藥別研 丹砂別研水飛 貝薑 丁香

硃砂別研水飛熬 青皮去白炒 木香各一兩

縮砂去皮 巴豆去皮心膜新瓦上壓去油一分

阿魏酢浸開用白麝和作餅炙焦別研爲末

吳茱萸陳久者湯浸取沉者炒各半兩

右除別研藥外餘藥爲細末入別研藥研勻煉蜜

和丸如棗豆大磁盒盛貯封每服二丸食前臨臥

用溫生薑橘皮湯下量人虛實大小加減

丁香丸

治因食冷物凝滯胃間嘔吐不止

大丁香半兩 乾薑 肉桂各二錢 木香

胡椒 藿香 甘草炙各三錢

右爲細末湯浸蒸餅和丸如棗豆大焙乾時時乾

嚼不必飲湯水水入即愈吐如覺痿弱更加附子

隨意

大養胃湯

治飲食傷脾宿食不化朝食暮吐暮食朝吐上氣

復熱四肢冷癢二焦不調及胃虛寒氣在下二氣

並爭但出不入嘔不得食

厚朴去皮 生薑各二兩 白朮 山藥 人參

川芎 橘皮 當歸 五味子 藿香 黃芪

枇杷葉刷去毛尖薑汁炙 甘草炙各一兩

肥棗三兩同厚朴生薑三味炒

右咬咀每服四錢水一盞半生薑三片棗一枚煎

七分去滓空心服或爲細末米湯調下亦可

十珍餅子

治大人小兒嘔吐痰涎粥藥難停無問久新皆治

丁香 沉香 官桂去粗皮 藿香 肉豆蔻

吳茱萸湯洗焙乾 木香各半兩 水銀結砂子

舶茴香各七錢 半夏湯洗七次焙乾薑汁製一兩

右爲細末煉蜜和丸如小豆大捏作餅子每服十

餅不拘時生薑湯下或化服亦得量病加減

助胃膏

治嘔吐不食

人參 白朮 茯苓 橘皮 縮砂仁各一分

丁香 木香 肉豆蔻煨 草果仁各一錢半

白豆蔻仁一錢

右爲細末煉蜜和丸如彈子大每服一丸生薑煎

湯化下

炮附子丸

治胃脘有熱胃中有寒嘔吐不止

附子炮去皮臍

右礮爲細末以麪糊和丸如梧桐子大就濕以大黃末爲衣每服十九丸加至二十九丸薑湯送下

加味二陳湯

治胃熱嘔吐不已

半夏湯炮七次 陳皮各半兩 白茯苓三錢

甘草一錢半 刮筆竹青四錢

右咬咀每服四錢水一盞半生薑七片煎至七分

去滓不拘時啜服

麥門冬湯

療煩熱嘔逆食下則出

麥門冬 青竹茹各三兩 茅根 生薑各五兩

人參 甘草炙各一兩

右切以水七升煮取二升五合分溫三服如人行

五里進一服不吐利忌海藻菘菜

加味七氣湯

治氣鬱嘔吐

半夏製二兩半 人參 厚朴製 梓桂各一兩

茯苓一兩半 甘草炙半兩

右咬咀每服三錢半生薑七片煎一枚煎至七分

去滓服加木香煎亦得

小丁沉丸

治乾嘔和調胃氣

丁香 藿香子炒各半兩 木香各半兩 沉香

縮砂仁 白芷炒 益智仁 甘草炙 橘紅焙

生薑一斤細切入青鹽四兩淹一宿焙乾各一兩

阿魏一分用酢半升熬成膏

右爲細末入阿魏膏拌勻用酢煮麪糊和丸如鷄

頭實大研丹砂麝香細末各少許同爲衣每服一

丸細嚼用薑鹽湯送下空心服

草豆蔻湯

治乾嘔和胃下氣

草豆蔻去皮 藿香 枳殼去麩炒 白木

橘紅焙 山芋各半兩 桂心 丁香各一分

右咬咀每服三錢水一盞煎二枚擘破粟米少許

同煎至七分去滓食前溫服

生薑丸

治乾嘔惡心益津液和胃氣

生薑二斤和皮切以青皮三兩同淹一宿焙乾

甘草炙 陳皮湯浸去白焙乾各四兩 香白芷

縮砂仁去皮 胡椒各一兩 蓬米炮二兩

右爲細末以麪糊和丸如小彈子大用丹砂細末

爲衣每服一丸細嚼溫酒送下食前服

溫中白朮丸

治胃寒嘔噦

白朮炒三兩半 半夏二兩製 乾薑一兩

丁香半兩

右爲細末生薑汁煮糊和丸如梧桐子大每服三

十九不拘時生薑湯送下

思食丸

助脾胃消飲食止嘔逆

烏梅肉五錢 神麪炒 麥蘖炒各六錢 人參

乾薑炮 甘草炙各二錢

右爲細末煉蜜和丸如梧桐子大每服三五十丸

食前用米飲湯送下

參香根木丸

開胃進食止嘔吐

人參 木香各三錢 枳實炒一兩 陳皮四錢

白朮一兩半 乾生薑二錢半

右爲細末用荷葉包米煨飯和丸如梧桐子大每

服五七十丸不拘時用米湯送下

開胃丸

治乾嘔氣逆不止

半夏麪微炒二兩 人參一兩半 白豆蔻去皮

陳皮去白焙 白朮各一兩

右爲細末用生薑汁同棗肉和丸如梧桐子大每

服二十九丸加至三十九丸不拘時用粥飲送下

參果湯

治乾嘔不下食

人參一兩 陳粟米一兩半 生薑切碎五兩

半夏湯泡七次去滑四兩用生薑同搗碎焙乾

右同入銀石鍋中慢火焙令焦黃粗搗篩每服三

錢水一盞生薑三片煎二枚去核煎至七分去滓

微熱空心服

三聖散

治噦逆不食

半夏七枚大者線穿於井華水內浸一日一換水七

右爲細末大人用生薑湯調一字小兒筋頭蘸生薑汁後點藥少許口中立愈至甚者不過三服

丁香附子散

治脾胃虛弱胃膈痞結吐逆不止

母丁香四十九箇 生薑半斤取自然汁半碗附子一兩

右用附子鑽孔四十九以丁香刺上面填內將生薑汁用文武火熬盡又用大蘿蔔一箇取一穴子入附子又填內將蘿蔔蓋之又用文武桑柴火燒香熟爲度取出切附子作片子焙乾搗爲細末每服一錢米湯一盞調下日進三服

紫沉丸

治中焦吐食由食積爲寒氣相假故吐而痛宜服之

半夏麴 代赭石 縮砂仁各三錢 烏梅去核丁香 檳榔各二錢 杏仁去皮尖 沉香 木香 白朮各一錢 陳皮五錢 白豆蔻 巴豆霜另研各半錢

右爲細末入巴豆霜令勻酢糊丸黍米大每服五十九丸吐愈則止治小兒食積吐食大妙

五積丹

治心腹痞滿嘔吐不止破積聚者

皂莢一挺一尺二寸燒留性盆合土壅勿令出烟

巴豆十二箇白麴一兩五錢同炒令黃色爲度

右爲末酢麴糊爲丸葉豆大每服十九鹽湯下食後加減

桔梗湯

治上焦氣熱上衝食已暴吐脈浮而洪宜先和中白朮一兩半 桔梗 橘紅 枳實麩炒 茯苓厚朴薑製炒香各一兩 半夏麴二兩

右咬咀每服一兩水一盞煎至七分取清溫服調

木香散二錢隔夜空腹食前服之三服之後氣漸下吐漸止然後用木香散加芍藥二兩黃芪一兩

半每料中扣算加上件分兩依前服之病愈則已

如大便燥結食不盡下以大承氣湯去硝微下之

少利爲度再服前藥補之如大便復結又依前再微下之

木香散

治氣逆嘔吐

木香 檳榔各等分

右爲細末煎服調服

荊黃湯

治暴吐者上焦氣熱所衝也經曰諸嘔吐酸暴注下迫皆屬於火脈洪而浮

刺芥一兩 人參五錢 甘草二錢半 大黃三錢

右爲粗末都作一服水二盞煎至一盞去滓調檳榔散二錢空心服

檳榔散

治氣逆嘔吐

檳榔二錢 木香一錢半 輕粉少許

右爲細末用前藥調服如爲丸亦可用水浸蒸餅爲丸如小豆大每服二十九食後服

青礬丸

治上焦吐頭發痛有汗脈弦

柴胡二兩去苗 黃芩七錢半 甘草 人參 半夏湯洗各半兩 青黛二錢半

右爲細末薑汁浸蒸餅爲丸如桐子大每服五十丸生薑湯食後服

白朮湯

治胃中虛損有痰而吐

半夏麴半兩 白朮 木香 甘草各二錢 檳榔二錢半 茯苓二錢

右六味同爲細末每服二錢煎生薑湯調下食前吐而食脈弦者肝盛於脾而吐乃由脾胃之虛宜治風安胃之藥

金花丸

治痰食嘔吐

半夏湯洗一兩 檳榔二錢 雄黃一錢半

右爲細末薑汁浸蒸餅爲丸如桐子大小兒另丸生薑湯下從少至多漸次服之以吐爲度羈絆於脾故飲食自下

附子丸

治下焦吐食朝食暮吐暮食朝吐大便不通

附子炮五錢 巴豆霜一錢 硃一分

右同研極細鎔黃蠟爲丸桐子大每服一二丸冷水送下利爲度後更服紫沉丸常服不令再開

白朮散

治酒積嘔噦

白朮 茯苓去皮 人參 藿香葉各五錢 炙甘草一兩半 木香一分 葛根一兩

右爲末白湯調下二錢煩渴者加滑石二兩甚者

加薑汁續飲之

乾薑本連人參湯

人門下

治傷寒食入即吐

乾薑 黃芩 黃連 人參各三錢

水煎溫服

羌活附子湯

治陰證寒厥嘔逆

羌活一錢 大附子半枚炮 茴香 丁香

乾薑各一錢半

右水煎入鹽一撮熱服

大橘皮湯

治嘔逆胃滿虛煩不安

陳皮 甘草各二錢 人參五錢

右薑七片水煎服

小橘皮湯

治嘔而手足厥冷者

陳皮五錢 生薑一兩

右水煎溫服

右薑煎溫服

單人參湯

治氣虛嘔吐

人參三兩

右用水三盞煎至八分熱服兼以參查煮粥食若

卒吐嘔逆粥飲入口即吐困弱者為丸服之調胃

亦宜

單白蔻散

治胃冷有積嘔食欲吐者

白豆蔻五錢

右為末好酒調服

金水六君煎

治肺腎虛寒水泛為痰嘔吐等證

當歸 半夏 茯苓各三錢 熟地三五錢

陳皮一錢半 炙甘草一錢

水二鍾生薑三五七片煎七八分食遠溫服

和胃二陳湯

治胃寒生痰惡心嘔吐胃脘滿悶噯氣

乾薑炒一二錢 砂仁四五分 陳皮 半夏

茯苓各一錢半 甘草炙七分

水一鍾半煎七分不拘時溫服

蒼木二陳煎

治痰飲水氣停蓄心下嘔吐吞酸等證

猪苓 澤瀉 茯苓各一錢半 半夏二三錢

炙甘草八分 乾薑炒黃 白朮各一二錢

陳皮一錢

水一鍾半煎服如肝腎寒者加肉桂一二錢

和胃飲

治寒濕傷脾霍亂吐瀉及痰飲水氣胃脘不清嘔

惡脹滿腹痛等證此即平胃散之變方也凡嘔吐

等證多有胃氣虛者一聞蒼木之氣亦能動嘔故

以乾薑代之

陳皮 厚朴薑汁製各一錢半 乾薑炮一二錢

炙甘草一錢

水一鍾半煎七分溫服此方凡藿香木香丁香伏

苓半夏扁豆砂仁澤瀉之類皆可隨宜增用之若

胃腹有滯而兼時氣寒熱者加柴胡

排氣湯

治氣逆食滯脹痛嘔吐等證

陳皮 藿香 枳殼各一錢五分 香附 澤瀉

烏藥各二錢 木香七分或一錢 厚朴一錢

水一鍾半煎七分熱服

大和中飲

治飲食雷滯積聚嘔吐等證

陳皮一二錢 枳實一錢 砂仁五分 山楂

麥芽各二錢 澤瀉 厚朴各一錢半

水一鍾半煎七八分食遠溫服

小和中飲

治胃脘脹悶嘔吐等證

陳皮 茯苓 厚朴各一錢五分 山楂肉

扁豆炒各二錢 甘草五分

水一鍾半加生薑三五片煎服

大分清飲

治積熱閉結小水不利嘔吐等證

茯苓 澤瀉 木通各二錢 猪苓 枳殼

梔子或倍之 車前子各一錢

水一鍾半煎八分食遠溫服

小分清飲

治小水不利濕滯嘔吐腫脹不能受補等證

茯苓 澤瀉 猪苓各二三錢 薏仁二錢

枳殼 厚朴各一錢

水一鍾半煎七八分食前服

神香散

治胃脘逆冷難解疼痛嘔噎腹滿痰飲膈噎

諸藥不效者惟此最妙

丁香 白豆蔻或砂仁亦可

二味等分為末清湯調下五七分甚者一錢日數

服不拘

正柴胡飲

凡外感風寒發熱惡寒頭疼身痛嘔吐等證

柴胡一二三錢 防風 甘草各一錢 陳皮一錢

半 芍藥二錢 生薑三五片

水一鍾半煎七八分熱服

柴陳煎

治傷風寒熱咳嗽發熱痞滿多痰嘔吐等證

柴胡二三錢 陳皮一錢半 甘草一錢 半夏

茯苓各二錢 生薑三五七片

水一鍾半煎七分食遠溫服

抽薪飲

治諸凡嘔吐火熾盛而不宜補者

黃芩 石膏 木通 梔子炒 黃蘗各一二錢

細甘草三分 枳殼 澤瀉各錢半

水一鍾半煎七分食遠溫服內熱甚者令服更佳

太清飲

治胃火煩熱發斑嘔吐等證與白虎湯出入酌用

知母 石膏 木通各一錢半 石膏生用五七錢

水一鍾半煎七分溫服或冷服或加麥門冬

四味回陽飲

治嘔吐元陽虛脫危在頃刻者

人參一二兩 製附子 炮薑各二三錢

炙甘草一二錢

水二鍾武火煎七八分溫服徐徐飲之

六味回陽飲

治嘔吐陰陽將脫等證

人參一二兩或數錢 炙甘草一錢 製附子

炮薑各二三錢 熟地五錢或一兩 當歸身三

錢

水二鍾武火煎七八分溫服

理陰煎

治真陰虛弱眼滿嘔嘔痰飲惡心吐瀉腹痛等證

熟地三五七錢或一二兩 炙甘草一二錢

當歸二三錢或五七錢 乾薑炒黃色一二三錢

或加肉桂一二錢

水二鍾煎七八分熱服

溫胃飲

治中寒嘔吐吞酸泄瀉不思飲食及婦人臍寒嘔

惡胎氣不安等證

人參一二三錢或一兩 白朮炒一二錢或一兩

扁豆炒二錢 陳皮一錢或不用 炙甘草一錢

乾薑炒焦一二三錢 當歸一二錢

水二鍾煎七分食遠溫服

參薑飲

治脾胃肺氣虛寒嘔吐欬嗽氣短小兒吐乳等證

乾薑炮五分或一二錢或用煨生薑三五片

人參三五錢或倍之 炙甘草三五分

水一鍾半煎七八分徐徐服之

黃芽丸

治脾胃虛寒或飲食不化或時多腹滿泄瀉吞酸

嘔吐等證

人參二兩 焦乾薑三錢

煉白蜜為丸芡實大常嚼服之

一添丹

治脾胃虛寒嘔吐等證

人參 製附子各等分

煉白蜜丸如芡豆大每用滾白湯送下三五分或

一錢凡藥餌不便之處或在途次隨帶此丹最妙

溫厥丸

治吐衄

人參隨宜 白朮米泔浸炒 當歸各四兩

芍藥酒炒焦 茯苓 細樞肉 史君子煨取肉

川椒去合口者炒出汗 檳榔各二兩 乾薑炮

吳茱萸湯泡一宿炒各一兩

右為末神糊為丸桐子大每服五七十九或百

丸飯時白湯下

聖水煎

治寒濕瀉利嘔吐尤為聖藥

冬白朮五六七八錢炒或一二兩 乾薑炒

肉桂各一二錢 陳皮酌用

水一鍾半煎七分溫熱服

單方

嘔吐腸厥卒死者飲新汲水三升佳

心痛吐水不下飲食發止不定雖黃二兩酢二斤慢

火煎成膏用乾蒸餅和丸梧子大每服七丸薑湯下

聖藥

暴得吐逆不下食生滑石末二錢七溫水服仍以細

麪半盞壓定

胃弱嘔逆不食用草豆蔻仁二枚高良薑半兩水一

盞煮取汁入生薑汁半合白麪攪攪刀以羊肉臠汁

煮熱空心食之

口吐清水乾薪艾煎湯服之

食已即吐大黃四兩甘草二兩水三升煮一升半分

再服

嘔逆厥逆內有寒痰半夏一升洗滑焙研小麥麪一

升水和作彈丸水煮熟初吞四五枚日三服稍增至

十五枚旋旋旋吞覺病減再作忌羊肉鴿糖此乃許

仁則方也

乾嘔不思葛根搗汁服一升瘳

嘔逆不止白脂麻一大合清油半斤煎取三合去麻
溫服近效方

嘔逆不止麻仁杵熬水研取汁著少鹽喫立效李諫
議常用極妙外臺方

中酒嘔逆赤小豆羹汁徐徐服之食醫本草

嘔逆不止真火酒一杯新汲井水一杯和服甚妙新類

乾嘔厥逆頻嘔生薑嘔家聖藥也

嘔吐不止生薑一兩酢醬二合銀器煎取四合連滓
啗之又殺腹內長蟲食醫心鏡

頭運吐逆胃冷生痰也用川乾薑炮二錢半甘草炒

一錢二分水一鍾半煎減半服累用有效醫方

嘈雜吐水真橘皮去白為末五更安五分於掌心紙

之即睡三日必效皮不真則不驗有方

嘔吐痰水白檳榔一顆煨熟橘皮二錢半炙為末水

一盞煎半盞溫服千金方

醉心吐水檳榔四兩橘皮一兩為末每服方寸匕空

心生蜜湯調下梅師方

嘔呃厥逆藥煎汁啗之肘後方

乾嘔不息蔗汁溫服半升日三次入薑汁更佳肘後方

胃冷嘔逆氣厥不通母丁香三箇陳橘皮一塊去白

焙水煎熱服良方

痰壅嘔逆心胃滿悶不下飲食厚朴一兩薑汁炙黃

為末非時米飲調下一錢匕聖惠方

嘔逆不食訶黎勒皮二兩炒研糊丸梧子大空心湯

服二十九日三服方

天行嘔逆食入即吐雞子一枚水養三五沸冷水浸
少頃吞之外臺方

吐逆不止不拘男女連日弱飲湯藥不能下者即效
五靈脂治淨為末狗膽汁和丸芡子大每服一九煎
生薑酒磨化猛口熱吞不得漱口急將溫粥少許壓
之聖惠方

脾虛吐食羊肉半斤作生以蒜薤醬豉五味和拌空
腹食之聖惠方

天行病後嘔逆食即反出用青羊肝作生淡食不過
三度食不出矣聖惠方

嘔逆酸水羊屎十枚酒二合煎一合頓服未定更服

之手集

食後喜嘔鹿角燒灰二兩人參一兩為末薑湯服方

寸七日三服方

嘔吐酸漿水煎頭垢豆許服一杯效普濟方

虛寒嘔噦飲食不下細辛去葉半兩丁香二錢半為

末每服一錢柿蒂湯下

嘔噦不止厥逆者蘆根三斤切水煎濃汁類飲二升

必效若以童子小便煮服不過二升愈肘後方

嘔噦不止酢和麴作彈丸二十枚以沸湯煮熱流

出投漿水中待溫吞三兩枚噦定即不用再吞未定

至晚再吞手集

嘔噦心下痞堅生薑八兩水三升煮一升半夏五合

洗水五升煮一升取汁同煮一升半分再服千金方

乾嘔吐逆澀水沫出半夏乾薑各等分二味咬咀以

漿水一升半煮取七合頓服之日三

病人乾嘔取羊乳汁飲一杯

乾嘔酒浸馬原一宿取汁服之
又方煮鼓三升飲汁佳

又方空腹飲薑汁一升
惡心取苦瓠瓤并子一升碎以酒水三升煮取一升
頓服須臾吐并下如蝦蟇衣三升

又方服小便一百日佳

又方麻子一升熬令香熟搗取酒三升熟研濾取一

升飲盡日一服盡一石瘥一切病自能飲食不能酒
任性多少

治食飲嘔吐方頓服生熟湯三升即止

上氣嘔吐芥子二升為末蜜丸黃時以井華水服如

梧子七九日二亦可作散空腹服之及以酒浸服

鍼灸

素問曰心熱病者熱爭則卒心痛煩悶善嘔頭痛面

赤無汗刺手少陰太陽

脾熱病者先頭重煩煩心煩青欲嘔身熱刺足太

陰陽明

靈樞曰善嘔嘔有苦長太息心中憊憊恐人將捕之

邪在膽逆在胃膽液泄則口苦胃氣逆則嘔苦故曰

嘔膽取三里以下胃氣逆則刺少陽血絡以閉膽逆
却調其虛實以去其邪

甲乙經曰熱病汗不出而苦嘔煩心承光主之

頭項惡風汗不出悽厥惡寒嘔吐目系急痛引頸頭

重項痛玉枕主之

醉酒風熱發兩角眩痛不能飲食頻滿嘔吐率谷主

之

傷寒熱盛煩嘔大椎主之

背痛惡寒脊強俛仰難食不下嘔吐多涎鬲命主之

胃脘脹滿背痛惡風寒飲食不下嘔吐不留住魂門

主之

振寒瘈瘲手不伸欬嗽唾濁氣鬲善嘔鼓頤不得汗

煩滿因爲縱軀尺澤主之左室刺右右室刺左

熱病煩心而汗不止肘臂掖腫善笑不休心中痛目

赤黃小便如血欲嘔胃中熱苦不樂太息喉痹啞乾

喘逆身熱如火頭痛如破短氣胃痛太陵主之

熱病煩心善嘔胃中懣懣善動而熱間使主之

熱病腹滿善嘔煩悶大都主之

熱病汗不出善嘔苦瘕身反折口噤善鼓頤腰痛不

可以顧顧而有似拔者善悲上下取之出血見血立

已

瘧欬逆心悶不得臥嘔甚熱多寒少欲閉戶牖而處

寒厥足熱太谿主之

陽厥悽悽而寒少腹堅頭痛脰股腹痛消中小便不

利善嘔三里主之

欬而嘔鬲寒食不下寒熱皮肉膚痛少氣不得臥胃

滿支兩脅鬲上就就背痛腹臍胃脘暴痛上氣肩背

寒痛汗不出喉痹腹中痛積聚默然嗜臥怠惰不欲

動身常溫濕心痛無可搖者脾命主之

肺系急胃中痛惡寒胃滿悽悽然善嘔臍胃中熱喘

逆氣相迫逐逐多渴唾不得息肩背風汗出面腹腫鬲

中食體不下食喉痹肩息肺脹皮膚骨痛寒熱煩滿

中府主之

寒濕濕舌煩手臂不仁唾沫腎乾引飲手腕掣指肢

痛肺脹上氣耳中生風欬喘逆癆瘵背痛嘔吐飲食不

下膨膨然少商主之

寒熱欬嘔沫掌中熱虛則肩臂寒慄少氣不足以息

寒厥交兩手而驚時則寒熱微則煩飽則善面色變

口噤不開惡風泣出列缺主之

寒熱善嘔商丘主之

嘔厥寒時有微熱脅下支滿喉痛啞乾膝外廉痛淫

澤脛痠厥下腫馬刀瘦肩腫吻傷痛太衝主之

氣疝噦嘔面腫奔脫天樞主之

胃脅背相引心下涸涸嘔吐多唾飲食不下幽門主

之

欬逆上氣喘不得息嘔吐胃滿不得飲食俞府主之

胃滿欬逆喘不得嘔吐煩滿不得飲食神藏主之

胃滿嘔無所出口苦舌乾飲食不下臍命主之

胃脅痛滿癆痛骨疼飲食不下嘔逆氣上煩心紫宮

主之

胃脅痛滿鬲塞飲食不下嘔吐食復出中庭主之

傷食脅下滿不能展轉反側目青而嘔期門主之

脅下痛滿嘔吐逆陽泉主之

胃中寒脹食多身體羸瘦腹中滿而鳴腹臍風厥胃

脅痛滿嘔吐吞急痛筋攀食不下胃命主之

頭痛食不下腸鳴臍腹欲嘔時泄三焦命主之

食飲不化入腹還出下皖主之

腹中腸鳴盈然食不化脅痛不得臥煩熱中不嗜

食胃脅痛滿喘息而衝鬲嘔心痛及傷飽身黃疾骨

羸瘦章門主之

溺難痛白濁卒疝少腹腫欬逆嘔吐卒陰跳腰痛不

可以俛仰面黑熱腹中脹滿身熱厥痛行間主之

風眩善嘔煩滿神庭主之如顏青者上星主之取上

星者先取譙譙後取天福風池

頭身風善嘔休寒中少氣掌中熱肘急腋腫間使主

之

凡好太息不嗜食多寒熱汗出病至則善嘔嘔已乃

衰即取公孫及井俞實則腸中切痛厥頭面腫起心

狂多飲霍則鼓濁腹中氣大滯熱痛不嗜臥霍亂公

孫主之

嘔吐煩滿魄戶主之

黃瘰善大脅下滿欲吐脾命主之

食飲善嘔不能言通谷主之

寒熱頭痛如破目痛如脫喘逆煩滿嘔吐流汗難言

頭維主之

肺氣熱呼吸不得臥上氣嘔沫喘氣相迫逐胃滿脅

膈急息難振振脈鼓氣膈胃中有熱支滿不嗜食汗

不出腰脊痛肺命主之

氣痛癰小便黃氣滿塞則遺溺身時寒熱吐逆溺難

腹滿石門主之

脈經曰左手關前寸口陰絕者無心脈也苦心下毒

痛掌中熱時時善嘔口中傷爛刺手太陽經治陽

左手關上陰絕者無肝脈也苦癯遺溺難言脅下有

邪氣善吐刺足少陽經治陽

右手關上陰絕者無脾脈也苦少氣下利腹滿身重四肢不欲動善嘔刺足陽明經治陽

千金方日期門主目青而嘔

膽輪章門主脅痛不得臥胃滿嘔無所出

章門主心痛而嘔

商丘幽門通谷主喜嘔又云商丘主脾虛冷人病寒

不樂好太息多寒熱喜嘔

倉府靈墟神藏巨關主嘔吐胃滿

率谷主煩滿嘔吐

天容主欬逆嘔沫

胃脘腎脘主嘔吐

曲澤主逆氣嘔涎

中庭中府主嘔逆吐食不遺出

石門主嘔吐

陽陵泉主嘔宿汁心下懨懨

維道主嘔逆不止

少商勞宮主嘔吐

絕骨主病熱欲嘔

大鍾太谿主煩心滿嘔

魂門陽關主嘔吐不住多涎

隱白主膈中嘔吐不欲食

膈脘主吐食又灸章門胃脘

巨關胃堂主吐食

頭維主喘逆煩滿嘔沫流汗

魄戶中府主肺寒熱呼吸不得臥欬逆上氣嘔沫喘氣相迫逐

俠白主欬乾嘔煩滿

少海主氣逆呼吸噎噎嘔

巨關主煩心喜嘔

百會主汗出而嘔瘕

商丘主寒熱好嘔

大椎主傷寒熱盛煩嘔

腎脘主頭身熱赤振慄腰中四肢淫澀欲嘔

尺澤主氣隔喜嘔鼓脹不得汗煩心身痛

四肢寒熱腰疼不得俯仰身黃腹滿食嘔舌根直灸第十一椎上及左右各一寸五分三處各七壯

乾嘔灸心主尺澤亦佳

又方灸乳下一寸三十壯

又方乾嘔不止粥食湯藥皆吐不停灸手間使五十壯若四肢厥脈沉絕不止者灸之便通此起死人法

吐逆嘔不得食灸心脘百壯

吐嘔逆不得下食今日食明日吐者灸膈脘百壯

吐逆不得下食灸胃堂百壯

吐逆不得食灸巨關五十壯

吐逆食不住灸胃脘百壯三報

吐逆飲食却出灸脾募百壯三報

吐嘔宿汁吞酸灸神光

吐逆霍亂吐血灸手心主五十壯

噎噎嘔逆灸石關百壯

肺脹脅滿嘔吐上氣等病灸上椎并兩乳上第三肋間各止七壯

胃中痛引腰背心下嘔逆面無滋潤灸幽門上隨年壯穴在俠巨關兩邊相去各半寸一寸云

脾中風者其人但踞坐而腹滿身溫黃吐鹹汁出者尚可治急灸脾脘百壯服續命湯若目下青手足青者不可復治

導引

古今醫統曰嘔吐導引法正坐兩手向後捉腕摩肋上下七息左右換手亦然除腹冷宿氣積胃口飲食進退吐逆不下

又法偃臥展展兩手左腳兩足踵以鼻內氣自極七息除腹中食嘔

又法坐直舒兩腳以兩手挽兩足自極十二通愈腸胃不能受食吐逆以兩手直交兩足底脚痛舒以頭枕膝下自極十二通愈腸胃不能受食吐逆

保生祕要曰吐酸導引法先念背推開至腎其於腎處想水升上頂門滴下心頭以洗之

傷食嘔吐導引法按寅卯辰候空心披衣起牀正身直立雙手用力拿兩肘膊脚尖著地脚跟雙懸起倒力脊二九之數醉飽勿令恐傷臟腑

醫案

衛生寶鑑曰中書左丞相史公年六旬有七至元丁卯九月間因內傷自利數行覺肢體沉重不思飲食

嗜臥懶言語舌不知味腹中疼痛頭亦痛而惡心醫以通聖散大作劑料服之覆以厚衣遂大汗出前證

不除而反增劇易數醫四月餘不愈予被召至燕命予治之予診視得六脉沉細而微弦不欲食食即嘔

吐中氣不調滯于升降口舌乾燥頭目昏眩肢體倦怠足脛冷臥不欲起丞相素不飲酒肢體本瘦又因

內傷自利又復發汗是重竭津液脾胃愈虛不能滋榮周身百脉故使然也非甘辛大溫之劑則不能溫

養其氣經云脾欲緩急食甘以緩之又脾不足者以甘補之黃芪人參之甘補脾緩中故以爲君形不足

者溫之以氣當歸辛溫和血潤燥木香辛溫升降滯氣生薑益智草豆蔻仁辛甘大熱以湯中寒理其正

氣白朮炙甘草橘皮甘苦溫乃厚腸胃麥蘖寬腸胃而和中神曲辛熱導滯消食而爲佐使也右件咬咀

一兩水煎服之嘔吐止飲食進越三日而證悉去左右侍者曰前證雖去九日不大便如何予曰丞相年

高氣弱既利且汗脾胃不足腸氣虧損津液不潤也豈敢以寒涼有毒之劑下之仲景曰大發汗後小便

數大便堅不可用承氣湯如此雖內結宜以蜜煎導之須臾去燥屎二十餘塊遂覺腹中空快上下氣調

又以前藥服之喜飲食但有所傷則以橘皮枳木丸消導之至月餘其病乃得平復丞相曰病既去矣當

服何藥以防其復來予曰不然但慎言語節飲食不可服藥夫用藥如用刑民有罪則刑之身有疾則藥

之無罪妄刑是謂虐民無病妄藥反傷正氣軍志曰允當則歸服而舍之可也丞相悅而然之

奇效良方曰政和中一人病傷寒得汗身涼數日忽嘔吐藥與飲食俱不下醫者皆進丁香藿香滑石等

藥下咽即吐予曰此正汗後餘熱留胃孫兆竹茹湯正相當爾急治藥與之即時愈

醫學正傳曰在城黃氏婦年將三十產後因食傷致胃虛不納穀四十餘日矣聞數氣則惡心而嘔聞藥

氣亦嘔求予治予曰藥不能入口又將何法以治之乎懇求不已遂制一方用人參白朮茯苓各一錢甘

草二分陳皮藿香砂仁各五分炒神曲一錢十年以上陳倉米一合順流水二大盞煮沸泡伏龍肝研

細攪渾放澄清取一盞加薑棗同煎前藥至七分稍冷服此藥遂納而不吐別以陳倉米煎湯時時與之

日進前藥二三服漸能食粥而安後以此法治十餘人皆驗

醫宗必讀曰兵尊高元圃久患嘔吐閱醫頗衆病竟不減余診之曰氣口大而軟此穀氣少而藥氣多也

且多犯辛劑可以治表實不可以治中虛可以理氣壅不可以理氣弱投以熟半夏五錢人參三錢陳倉

米一兩白蜜五匙甘爛水煎服二劑減十劑安

屯院孫瀟湘夏月食瓜果過多得食輒嘔十日弗止舉家驚惶千里迎余比至署中已二十日矣困頓牀

褥手足如冰余曰兩尺按之有神胃氣續接不絕祇因中氣本弱復爲寒冷所傷耳遂用紅豆丸連進三

服至明日便能食粥兼與理中湯加丁香沉香旬日之間飲食如常矣

薛己醫按曰府庠沈文姬母食濕熱吞酸嘔吐絕食服苓連等劑加寒熱口乾流涎又食冬瓜一星而嘔

吐愈甚余謂此脾氣虛寒也急用鹽艾附子炒熱熨臍腹又令其子口氣按其母氣神氣少甦以參木附

子陳皮爲丸如粟米大津嚥五七粒次日加至十餘粒漸服煎劑一二匙乃思粥飲又以參朮藥五十餘劑而愈

譚侍御每頭痛必吐清水不拘冬夏吃薑便止余作中氣虛藥用六君當歸黃芪木香炮薑而瘥

趙吏部文卿患吐不止吐出皆酸味氣口脉大於人迎二三倍速予投劑予曰此食鬱上宜吐不須用藥

乃候其吐清水無酸氣寸脉漸減尺脉漸復翌早吐止至午脉俱平復勿藥自安

余母六十有五己卯春二月飲食後偶聞外言忤意嘔吐酸水內熱作渴飲食不進惟飲冷水氣口脉大

而無倫面色青赤此胃中濕熱鬱水投之以藥入口即吐第三日吐酸物第七日吐酸黃水十一日吐苦

水脉益洪大仍喜冷水以黃連一味煎湯冷飲少許至二十日加白朮白茯苓至二十五日加陳皮三十

七日加當歸炙甘草至六十日始進清米飲半盞漸進薄粥飲調理得痊

一婦人吞酸噯腐嘔吐痰涎面色純白或用二陳黃連枳殼之類加發熱作渴肚腹脹滿余曰此脾胃虧

損末傳寒中不信仍作火治肢體腫脹如蠱余以六君加附子木香治之胃氣漸醒飲食漸進虛火歸經

又以補中益氣加炮薑木香茯苓半夏兼服全愈

陳湖陸伯母久患心腹疼痛每作必嘔滿嘔吐厥逆